

摘藻堂四庫全書薈要

子部

欽定四庫全書薈要

子部

管子卷

八至
十



詳校官主事臣陳本

欽定四庫全書薈要卷一萬三百六十

子部

管子卷八

唐房玄齡註

中匡第十九

內言二

管子

仲會國用三分二在賓客

二以供賓客

其一在國管

仲懼而復之

復白也以賓客之費太半故白之

公曰吾子猶如是

乎

以吾子為賢當以供賓之義為急務尚懼而白之乎

四鄰賓客入者說出

者譽

出入見禮而悅者出必為延譽也

光名滿天下入者不說出者

不譽汚名滿天下壤可以為粟

播壤則木可以為生粟

貨

破木成器則貨

粟盡則有生貨散則有聚君人者名之

為貴財安可有

有財則失名故不可有

管仲曰此君之明也

公曰民辨軍事矣則可乎對曰不可甲兵未足也

請薄刑罰以厚甲兵於是死罪不殺刑罪不罰使

以甲兵贖

有罪使出甲兵以贖之也

死罪以犀甲一戟刑罰以

脇盾一戟

脇盾也既出盾又令出一戟也

過罰以金

過誤致罰出金以贖之

軍無所計而訟者成以束矢

不計於軍事而以私訟者令出束矢以平

其罪成平也

公曰甲兵既足矣吾欲誅大國之不道者

可乎對曰愛四封之內而後可以惡竟外之不善

者

先施愛於四封之內則士致死故可以惡竟外之不善

安卿大夫之家而

後可以危救敵之國

卿大夫家安則大臣盡力故以危救敵之國

賜小

國地而後可以誅大國之不道者舉賢良而後可

以廢慢法鄙賤之民是故先王必有置也而後必

有廢也必有利也而後必有害也桓公曰昔三王

者既弑其君今言仁義則必以三王為法度不識

其故何也對曰昔者禹平治天下及桀而亂之湯放桀以定禹功也湯平治天下及紂而亂之武王伐紂以定湯功也且善之伐不善也自古至今未有改之君何疑焉公又問曰古之亡國其何失對曰計得地與寶而不計失諸侯計得財委而不計失百姓計見親而不計見弃三者之屬一足以削遍而有者亡矣古之隳國家隕社稷者非故且為之也必少有樂焉不知其陷於惡也桓公謂管仲曰請致仲父

仲父者尊老有德之稱桓公欲尊事管仲故以

仲父之

號致之公與管仲父而將飲之

行飲酒禮以尊顯之

掘新井而柴

焉

新井而又柴蓋之欲以潔清示敬之

十日齋戒召管仲管仲至公執爵

夫人執尊觴三行管仲趨出公怒曰寡人齋戒十日而

飲仲父寡人自以為修矣仲父不告寡人而出其故何

也

謂不辭而出所以怒

鮑叔隰朋趨而出及管仲於途曰公怒管

仲反入倍屏而立公不與言少進中庭公不與言少進

傅堂公曰寡人齋戒十日而飲仲父自以為脫於罪矣

仲父不告寡人而出未知其故也對曰臣聞之沈於樂

者洽於憂

樂過則憂博

厚於味者薄於行慢於朝者緩於政

害於國家者危於社稷臣是以敢出也公遽下堂曰寡

人非敢自為修也仲父年長雖寡人亦哀矣吾願一朝

安仲父也

言俱至於衰老故欲一朝樂飲而為安

對曰臣聞壯者無怠老

者無偷順天之道必以善終者也三王失之也非一朝

之萃

其所由來者漸矣非一朝萃集也

君奈何其偷乎管仲走出君以

賓客之禮再拜送之明日管仲朝公曰寡人願聞國君

之信對曰民愛之鄰國親之天下信之此國君之信公

曰善請問信安始而可對曰始於為身中於為國成於

為天下公曰請問為身對曰道血氣以求長年長心長

德長心謂謀慮遠也
長德謂恩施廣也此為身也公曰請問為國對曰遠

舉賢人慈愛百姓外存亡國繼絕世起諸孤孤謂死王
事者子孫

薄稅歛輕刑罰此為國之大禮也法行而不苛刑廉而

不赦有司寬而不凌不虐
惇獨苑濁困滯皆法度不亡鬱濁
謂穢

塞不潔清者也困滯謂疲羸微隱者也有往行不來而

民游世矣其行法度者但往行而進不却來
而退而人以此自得行於世也此為天下

也

小匡第二十

內言三

桓公自莒反於齊使鮑叔牙為宰鮑叔辭曰臣君之庸臣也君有加惠於其臣使臣不凍饑則是君之賜也若必治國家則非臣之所能也其唯管夷吾乎臣之所不如管夷吾者五寬惠愛民臣不如也治國不失秉臣不如也秉柄也柄所操以作事忠信可結於諸侯臣不如也國柄者賞罰之紀要也也制禮義可法於四方臣不如也介冑執枹立於軍門

使百姓皆加勇臣不如也

枹擊鼓槌

夫管仲民之父母也將

欲治其子不可棄其父母公曰管夷吾親射寡人中鉤

殆於死今乃用之可乎鮑叔曰彼為其君動也君若宥

而反之其為君亦猶是也公曰然則為之奈何鮑叔曰

君使人請之魯公曰施伯魯之謀臣也彼知吾將用之

必不吾予也鮑叔曰君詔使者曰寡君有不令之臣在

君之國願請之以戮羣臣

戮以狗羣臣

魯君必諾且施伯之

知夷吾之才必將致魯之政

既知其材故授以國政

夷吾受之則

魯能弱齊矣夷吾不受彼知其將反於齊必殺之公曰

然則夷吾受乎鮑叔曰不受也夷吾事君無二心公曰

其於寡人猶如是乎對曰非為君也為先君與社稷之

故君若欲定宗廟則亟請之不然無及也公乃使鮑叔

行成

成平也與魯平

曰公子糾親也請君討之魯人為殺公子

糾又曰管仲讐也請受而甘心焉魯君許諾施伯謂魯

侯曰勿予非戮之也將用其政也

用之使知政

管仲者天下

之賢人也大器也在楚則楚得意於天下在晉則晉得

意於天下在狄則狄得意於天下今齊求而得之則必
長為魯國憂君何不殺而授之其屍魯君曰諾將殺管
仲鮑叔進曰殺之齊是戮齊也言戮以狗齊也殺之魯是戮魯

也弊邑寡君願生得之以狗於國為羣臣僂戮之以誠羣臣若

不生得是君與寡君賊比也言親吾賊非弊邑之君所謂也

使臣不能受命於是魯君乃不殺遂生束縛而桎以予

齊桎鮑叔受而哭之三舉三舉其聲偽哀其將死也施伯從而笑之

笑其偽也謂大夫曰管仲必不死夫鮑叔之忍不僂賢人言多

所容忍必不僂賢人

其智稱賢以自成也

稱舉也

鮑叔相公子小白

先入得國

得國人心

管仲召忽奉公子糾後入與魯以戰能

使魯敗

謂魯師與齊戰能使魯敗而齊克也

功足以得天與失天其人事

一也

管仲本圖將立小白今能敗魯而勝齊是其功也故於齊為得天於魯為失天至於能成人事則一

今魯懼殺公子糾召忽囚管仲以予齊鮑叔知無後事

既得管仲則知後無禍難之事也

必將勤管仲以勞其君

必探管仲本敗魯勝齊之

意以成其功勤而慰勞其君也願以顯其功衆必予之

願君試用管仲以顯其定齊之

功如此衆必有得力死之功猶尚可加也顯生之功將與之與許也

何如是

假令管仲力死成功但一時之事耳猶尚可加況不恥垢辱忍而生全齊將得之而霸以顯其

本謀之功何善如

昭德以貳君也

言昭管仲之德鮑叔以為君之副貳

之知不是失也

以鮑叔之智能及此圖必不失也

至於堂阜之上

堂阜地名

鮑叔祓而浴之三

祓謂除其凶邪之氣

桓公親迎之郊管仲詘纓

挿衽

示將就戮

使人操斧而立其後

操斧者將受斧鉞之誅也

公辭斧三

然後退之

退操斧者

公曰垂纓下衽寡人將見管仲再拜稽

首曰應公之賜殺之黃泉死且不朽

言君賜之死尚感恩不朽況生之乎

公遂與歸禮之於廟三酌而問為政焉曰昔先君襄公

高臺廣池湛樂飲酒田獵畢弋不聽國政卑聖侮士唯

女是崇九妃六嬪

九妃謂諸侯所娶九女天子九嬪諸侯六也

陳妾數千食

必梁肉衣必文繡而戎士凍饑戎馬待遊車之弊

游車弊然

後以為戎車

戎士待陳妾之餘

陳妾食餘然後以食戎士

倡優侏儒在前

而賢大夫在後是以國家不日益不月長吾恐宗廟之

不掃除社稷之不血食敢問為之奈何管子對曰昔吾

先王周昭王穆王世法文武之遠迹以成其名合羣國

比校民之有道者設象以為民紀

校試其人有道者與之設法象而為人紀

式美以相應比綴以書原本窮末

其所用美事必令始終相應然後次比緝

綴書之簡策故能原其本窮其末無不錯綜也

勸之以慶賞紿之以刑罰糞除

其顛旄

顛謂高之頂人或不墾閭旄者所以誓勒兵士言能務農息兵故糞其顛而除其旄賜予

以鎮撫之以為民終始公曰為之奈何管子對曰昔者

聖王之治其民也叅其國而伍其鄙定民之居成民之

事以為民紀謹用其六秉如是而民情可得而百姓可

御桓公曰六秉者何也管子曰殺生貴賤貧富此六秉

也桓公曰叅國奈何管子對曰制國以為二十一鄉商

工之鄉六士農之鄉十五公帥十一鄉高子帥五鄉國

子帥五鄉叅國故為三軍公立三官之臣

謂三軍之官也

市立

三鄉工立三族澤立三虞山立三衡

自三鄉已下每皆置具官

制五

家為軌軌有長十軌為里里有司四里為連連有長十

連為鄉鄉有良人五鄉一帥桓公曰五鄙奈何管子對

曰制五家為軌軌有長六軌為邑邑有司十邑為率率

有長十率為鄉鄉有良人三鄉為屬屬有帥五屬一大

夫武政聽屬

以武為政者聽於屬

文政聽鄉各保而聽

鄉屬之聽各自保之

毋有淫佚者桓公曰定民之居成民之事奈何管子對

曰士農工商四民者國之石民也

四者國之本猶柱之石也故曰石也不

可使雜處雜處則其言咙其事亂

也

是故聖王之處

士必於閒燕

處士閒燕則謀議審

處農必就田壥處工必就官府

處商必就市井

立市必四方若造井之制故曰市井

今夫士羣萃而州處

閒燕

每州之士羣萃共處閒燕謂學校之處

則父與父言義子與子言孝

其事君者言敬長者言愛幼者言弟旦昔從事於此

旦昔

猶朝夕也教其子弟少而習焉其心安焉不見異物而遷

焉

異物謂異事非其所當習者

是故其父兄之教不肅而成其子弟

之學不勞而能夫是故士之子常為士今夫農羣萃而

州處審其四時權節

於四時中又權量其節之早晚

具備其械器用

械器

皆為田器比耒耜穀芟

比偶其耒耜及穀芟穀芟小於耒耜一人執之以隨耒耜之後重治其閏

遺芟音梗

及寒擊橐除田以待時乃耕

冬寒之月即擊去其草之橐者修除其田

以待春之耕也

深耕均種疾耨

耨謂復種既已均種當疾耨之

先雨芸耨以待

時雨時雨既至挾其槍刈耨耨

在挾曰挾槍耨也刈耨也

以旦暮從事於田墾稅衣就功

脫其常服以就功役便事而省費

別苗

莠列疏遯

遯密也謂苗之疏密當均列之

首戴苧蒲

苧蔣也編苧與蒲以為笠

身服

襍襖

襍襖謂麤堅之衣可以任苦著者也

沾體塗足暴其髮膚盡其四肢

之力以疾從事於田野少而習焉其心安焉不見異物

而遷焉是故其父兄之教不肅而成其子弟之學不勞

而能是故農之子常為農樸野而不慝

農人之子樸質而野不為姦慝

其秀才之能為士者則足賴也

農人之子有秀異之材可為士者即所謂生而

知之不習而成者也故其賢足可賴也

故以耕則多粟以仕則多賢是以

聖王敬畏戚農

以農民能致粟又秀才生焉故聖王敬畏農而戚近之

今夫工羣

萃而州處相良材審其四時辨其功苦

功謂堅美權節
苦謂濫惡

其用論比計制斷器尚完利

裁斷為器
貴於完利

相語以事相示

以功相陳以巧相高以知事

以其能知器
用之事相高

旦昔從事於

此以教其子弟少而習焉其心安焉不見異物而遷焉

是故其父兄之教不肅而成其子弟之學不勞而能夫

是故工之子常為工今夫商羣萃而州處觀凶饑審國

變察其四時而監其鄉之貨

監視也

以知其市之賈負任

擔荷服牛輅馬以周四方料多少計貴賤以其所有易

其所無買賤鬻貴是以羽旄不求而至竹箭有餘於國

奇怪時來珍異物聚旦昔從事於此以教其子弟相語

以利相示以時相陳以知賈

賈知物價相與陳說

少而習焉其心

安焉不見異物而遷焉是故其父兄之教不肅而成其

子弟之學不勞而能夫是故商之子常為商相地而裒

其政則民不移矣

相地沃瘠以差其政則人安其沃瘠而不移裒差也音楚危反

正旅

舊則民不惰

國之軍旅正之以從舊貫則稟令而不惰

山澤各以其時至則

民不苟

苟謂非時入山澤也

陵陸丘井田疇均則民不惑無奪民

時則百姓富犧牲不勞則牛馬育

過用謂之勞

桓公又問曰

寡人欲修政以干時於天下其可乎

干求也時時見曰會欲求天下諸侯

修時見之會

管子對曰可公曰安始而可管子對曰始於愛

民公曰愛民之道奈何管子對曰公修公族家修家族

使相連以事相及以祿則民相親矣

相連以事則人饋狎相及以祿則恩

情生故有親也

放舊罪修舊宗立無後則民殖矣

放舊罪則全人命修舊宗

則收散親立無後則繼絕世故人殖殖生也

省刑罰薄賦歛則民富矣鄉建

賢士使教於國則民有禮矣出令不改則民正矣此愛

民之道也公曰民富而以親則可以使之乎管子對曰

舉財長工以止民用

工能積財舉而長之民則慕而不費用矣

陳力尚賢以

勸民

知賢能陳力而崇上之民則勸而學知矣

加刑無苛以濟百姓行之

無私則足以容衆矣出言必信則令不窮矣此使民之

道也桓公曰民居定矣事已成矣吾欲從事於天下諸

侯其可乎

欲從會事

管子對曰未可民心未吾安公曰安之

奈何管子對曰修舊法擇其善者舉而嚴用之慈於民

予無財

貧無財者當施與之

寬政役敬百姓則國富而民安矣公

曰民安矣其可乎管仲對曰未可君若欲正卒伍修甲兵則大國亦將正卒伍修甲兵君有征戰之事則小國諸侯之臣有守圉之備矣然則難以速得意於天下公欲速得意於天下諸侯則事有所隱而政有所寓

不顯習其

兵事故曰事有所隱軍政寓之田獵故曰政有所寓

公曰為之奈何管子對曰作

內政而寓軍令焉為高子之里為國子之里為公里三

分齊國以為三軍擇其賢民使為里君

每里皆使賢者為君

鄉有

行伍卒長則其制令且以田獵因以賞罰

因田獵之功過行賞罰

則百姓通於軍事矣桓公曰善於是乎管子乃制五家
以為軌軌為之長十軌為里里有司四里為連連為之
長十連為鄉鄉有良人以為軍令是故五家為軌五人
為伍軌長率之十軌為里故五十人為小戎里有司率
之四里為連故二百人為卒連長率之十連為鄉故二
千人為旅鄉良人率之五鄉一帥故萬人一軍五鄉之
帥率之三軍故有中軍之鼓

中軍則公之里卒也

有高子之鼓有

國子之鼓春以田曰蒐振旅

因寓軍政而且整旅

秋以田曰獮治

兵

順殺氣
因治兵

是故卒伍政定於里軍旅政定於郊內教既

成令不得遷徙故卒伍之人人與人相保家與家相愛

少相居長相游祭祀相福死喪相恤禍福相憂居處相

樂行作相和哭泣相哀是故夜戰其聲相聞足以無亂

晝戰其目相見足以相識驩欣足以相死是故以守則

固以戰則勝君有此教士三萬人以橫行於天下

教士
謂先

教習誅無道以定周室天下大國之君莫之能圍也正

月之朝鄉長復事

復白也

公親問焉曰於子之鄉有居處

為義好學聰明質仁慈孝於父母長弟聞於鄉里者有

則以告有而不以告謂之蔽賢其罪五

謂其罪當入於五刑而定其罰

有司已於事而竣

既畢於上事而竣退

公又問焉曰於子之鄉有

拳勇股肱之力筋骨秀出於衆者有則以告有而不以

告謂之蔽才其罪五有司已於事而竣公又問焉曰於

子之鄉有不慈孝於父母不長弟於鄉里驕躁淫暴不

用上令者有則以告有而不以告謂之下比

下與有罪者比而掩

蓋其罪五有司已於事而竣於是乎鄉長退而修德進

賢桓公親見之遂使役之官

謂授之官而役之所以歷試其材能

公令官

長期而書伐以告

伐功也

且令選官之賢者而復之曰有

人居我官有功休德維順端慤以待時使

以慤善待時待可用之時

而使民恭敬以勸其稱秉言則足以補官之不善政

謂此人所稱柄之言可以補不善之政

公宣問其鄉里而有考驗

宣遍遍問其

鄉里之人以考其所行皆有事驗

乃召而與之坐省相其質以叅其成

功成事

既有考驗召而與坐更省視其質體以叅驗其所成功之事也

可立而時設問

國家之患而不肉

其人既可將立之又時設問國家之患以知智謀之深淺不直相其骨肉

而已肉者所
謂皮肉也

退而察問其鄉里以觀其所能而無大過

登以為上卿之佐

為卿大夫之佐

名之曰三選

名此人曰三選大夫之選

高

子國子退而修鄉

朝事既畢二大夫又如前退修於鄉鮑叔在朝故不言

鄉退而

修連連退而修里里退而修軌軌退而修家是故匹夫

有善故可得而舉也匹夫有不善故可得而誅也政既

成鄉不越長朝不越爵罷士無伍

罷謂乏於德義者周禮所謂罷人不義之

衆恥以罷女無家

罷女猶罷士衆恥娶之故無家

士三出妻逐於境外

三出妻所謂士也罔極二三其德

女三嫁入於春穀

為政者之所忌故逐於境外也

見三

出而嫁是不負順者也故入於春穀

是故民皆勉為善士與其為善於鄉

不如為善於里與其為善於里不如為善於家

家善則鄉善矣

所謂居家治理可移於官

是故士莫敢言一朝之便皆有終歲之計

莫敢以終歲為議皆有終身之功

修政則人無苟且

正月之朝

五屬大夫復事於公擇其寡功者而譙之曰列地分民者若一何故獨寡功何以不及人教訓不善政事其不治一再則宥三則不赦公又問焉曰於子之屬有居處為義好學聰明質仁慈孝於父母長弟聞於鄉里者有

則以告有而不以告謂之蔽賢其罪五有司已事而竣
公又問焉曰於子之屬有拳勇股肱之力秀出於衆者
有則以告有而不以告謂之蔽才其罪五有司已事而
竣公又問焉曰於子之屬有不慈孝於父母不長弟於
鄉里驕躁淫暴不用上令者有則以告有而不以告者
謂之下比其罪五有司已事而竣於是乎五屬大夫退
而修屬屬退而修連連退而修鄉鄉退而修卒卒退而
修邑邑退而修家是故匹夫有善可得而舉匹夫有不

善可得而誅政成國安以守則固以戰則彊封內治百

姓親可以出征四方立一霸王矣

可謂一霸王之功也

桓公曰卒

伍定矣事已成矣吾欲從事於諸侯其可乎管子對曰

未可若軍令則吾既寄諸內政矣夫齊國寡甲兵吾欲

輕重罪而移之於甲兵公曰為之奈何管子對曰制重

罪入以兵甲犀脇二戟輕罪入蘭盾韃革二戟

蘭即所謂蘭錡

兵架也韃革重革當心著之可以禦矢

小罪入以金鈞

三十金曰鈞

分宥薄罪

入以半鈞

分宥謂從坐者分其首犯而寬宥之

無坐抑而訟獄者正三禁

之而不直則入一束矢以罰之

謂其人自無所生而被抑屈為訟者正當禁之

三日得其不直者則令入束矢也

美金以鑄戈劍矛戟試諸狗馬惡金

以鑄斤斧鉏夷鋸櫛試諸木土

夷鋤類也鋸櫛耨類也

桓公曰甲

兵大足矣吾欲從事於諸侯可乎管仲對曰未可治內

者未具也為外者未備也故使鮑叔牙為大諫

所以諫正君

王子城父為將弦子旗為理

理獄官

甯戚為田

教以農事自此已上

理內已下理外隰朋為行

行謂行人也以通使諸侯

曹宿孫處楚商容處

宋季勞處魯徐開封處衛匭尚處燕審友處晉

令此諸賢各處

諸侯之國者所以
諷動之令歸齊也

又游士八千人奉之以車馬衣裘多

其資糧財幣足之使出周游於四方以號召收求天下

之賢士飾玩好使出周游於四方鬻之諸侯以觀其上

下之所貴好擇其沈亂者而先政之

以政正也

公曰外內定

矣可乎管子對曰未可鄰國未吾親也公曰親之奈何

管子對曰審吾疆場反其侵地正其封界毋受其貨財

而美為皮幣以極聘覲於諸侯

覲見也

以安四鄰則鄰國

親我矣桓公曰甲兵大足矣吾欲南伐何主

謂以何國為征伐之

也主管子對曰以魯為主反其侵地常潛常潛地名使海於有

弊或遇水災教令泄渠彌於河渚後教之穿渠綱山於

於海使有弊盡也

彌亘於河渚

有牢教之立國城必依山桓公曰吾欲西伐何主管子

以為綱紀而有牢固

對曰以衛為主反其侵地吉臺原姑與柒里皆地名使海

於有弊渠彌於有渚綱山於有牢桓公曰吾欲北伐何

主管子對曰以燕為主反其侵地柴夫吠狗亦地名也使海

於有弊渠彌於有渚綱山於有牢四鄰大親既反其侵

地正其封疆地南至於岱陰謂岱山之北西至於濟北至於

海東至於紀隨

紀隨地

地方三百六十里三歲治定四歲

教成五歲兵出有教士三萬人革車八百乘諸侯多沈

亂不服於天子於是乎桓公東救徐州分吳半

分吳地之半

存魯蔡陵

蔡陵地名

割越地南據宋鄭

既割越地又據宋鄭之國以為親援也

征伐楚濟汝水

伐楚時渡汝水

踰方地

謂方城之地

望文山

楚山也使

貢絲於周室

使貢楚絲即所謂縻絲者也堪為琴瑟絃

成周反胙於隆嶽

周室

有事歸胙於齊齊太嶽之後故言隆嶽

荊州諸侯莫不來服中救晉公禽

狄王敗胡貉破屠何

屠何東胡之先也

而騎寇始服

北狄以北騎為寇

伐山戎制泠支斬孤竹而九夷始聽海濱諸侯莫不來

服西征攘白狄之地遂至於西河

謂龍門之西河

方舟投柎乘

桴濟河至於石沈

石沈地名

縣車東馬踰大行與卑耳之貉

拘秦夏

與卑耳之貉共拘秦夏之不服者

西服流沙西虞

西虞國名

而秦戎

始從故兵一出而大功十二

自救徐州已下有十二也

故東夷西戎

南蠻北狄中諸侯國莫不賓服與諸侯飾牲為載書

謂書

要盟之辭載之於策

以誓要於上下薦神

謂以上下之神祇為盟誓又以其牲薦之於神

然後率天下定周室大朝諸侯於陽穀故兵車之會六

乘車之會三九合諸侯一匡天下甲不解壘兵不解翳

翳所以蔽兵謂脇盾之屬不解

弢無弓服無矢

弢弓衣也無弓

甲於壘不解兵於翳言不用也

無矢亦言寢武事行文道以朝天子葵丘之會天子使

大夫宰孔致胙於桓公曰余一人之命有事於文武

有祭

事於文王武王之廟也

使宰孔致胙且有後命曰以爾自卑勞

兩

自卑而勞弊

實謂爾伯舅毋下拜桓公召管仲而謀管仲對

曰為君不君

君命臣無下拜是不君也

為臣不臣

臣承命而不讓是不臣也亂之

本也桓公曰余乘車之會三兵車之會六九合諸侯一

匡天下北至於孤竹山戎穢貉拘秦夏西至流沙西虞

南至吳越巴牂牁帳不庾雕題黑齒皆南夷之國號也荆夷之

國莫違寡人之命而中國卑我中國之人不尊崇樂推使居臣位是卑我也

昔三代之受命者其異於此乎管子對曰夫鳳凰鸞鳥

不降而鷹隼鵠臬豐庶神不格庶神不至則未歆其祭享守龜不兆

守龜國之守龜不兆謂不以信誠告之握粟而筮者屢中長者不告而短者告是德之不

至傳曰龜長筮短詩曰握粟出卜時雨甘露不降飄風暴雨數臻五穀

不蕃六畜不育而蓬蒿藜藿徒弔反並興夫鳳凰之文前

德義後日昌

前包德義後有日昌明先德義乃可以日昌也

昔人之受命者龍

龜假

假至也

河出圖雒出書地出乘黃

乘黃神馬也坤利牝馬之貞故從地

出若漢之渥注神馬之比

今三祥未見有者

三祥謂龜龍圖書乘黃也

雖曰受命

無乃失諸乎桓公懼出見客曰天威不遠顔咫尺小白

承天子之命而毋下拜恐顛蹶於下以為天子羞遂下

拜登受賞服大路龍旗九游渠門赤旂

渠門旗名

天子致胙

於桓公而不受天下諸侯稱順焉桓公憂天下諸侯魯

有夫人慶父之亂而二君弑殺

慶父通莊公夫人姜氏弑之般又弑閔公

國

絕無後桓公聞之使高子存之男女不淫

淫亂也

馬牛選

具

選擇其善者以成具凡欲以貢齊也

執玉以見請為關內之侯

請為齊關內之

侯而桓公不使也狄人攻邢桓公築夷儀以封之男女

不淫馬牛選具執玉以見請為關內之侯而桓公不使

也狄人攻衛衛人出旅於曹

旅客也客居曹也

桓公城楚丘封

之其畜以散亡故桓公予之繫馬三百匹

謂馬在閑廐繫養之言其

良也天下諸侯稱仁焉於是天下之諸侯知桓公之為已

勤也是以諸侯之歸之也譬若市人桓公知諸侯之歸

已也故使輕其幣而重其禮故使天下諸侯以疲馬犬

羊為幣

疲謂瘦也

齊以良馬報諸侯以縷帛布鹿皮四分以

為幣

謂四分其鹿皮

齊以文錦虎豹皮報諸侯之使垂橐而入

攜

立粉反

載而歸

垂橐言其空也攜收拾也

故鈞之以愛致之以利結

之以信示之以武是故天下小國諸侯既服桓公莫之

敢倍而歸之喜其愛而貪其利信其仁而畏其武桓公

知天下小國諸侯之多與已也於是又大施忠焉可為

憂者為之憂可為謀者為之謀可為動者為之動伐譚

萊而不有也諸侯稱仁焉通齊國之魚鹽東萊

自東萊通魚鹽

於諸侯

使關市幾而不征壙而不稅

幾察也察其姦非而不征稅

以為

諸侯之利諸侯稱寬焉築蔡鄆陵培夏靈父丘

皆邑名

以

衛戎狄之地所以禁暴於諸侯也築五鹿中牟鄴蓋與

社丘以衛諸夏之地所以示勸於中國也教大成是故

天下之於桓公遠國之民望如父母近國之民從如流

水故行地滋遠得人彌衆是何也懷其文而畏其武故

殺無道定周室天下莫之能圉武事立也定三革

車馬人皆

有革甲

偃五兵朝服以濟河而無怵惕焉

謂乘車之會朝服濟河以

與西諸侯盟也

文事勝也是故大國之君慙媿小國諸侯附比

是故大國之君事如臣僕小國諸侯驩如父母夫然故

大國之君不尊

不以國大加其尊禮

小國諸侯不卑

不以國小而卑其敬

是

故大國之君不驕小國諸侯不懾於是列廣地以益狹

地損有財以與無財周其君子不失成功

周給君子得其力用故不

失成功也周其小人不失成命

周給小人懷德而歸故不失成命也

夫如是居

處則順出則有成功不稱動甲兵之事以遂文武之迹

於天下

既以朝服濟河故不稱甲兵文德成也
大國畏威事如臣僕武功立也

桓公能假

其羣臣之謀以益其智也其相曰夷吾大夫曰甯戚隰

朋賓胥無鮑叔牙用此五子者何功

言何功而不成

度義光德

繼法紹終以遺後嗣貽孝昭穆大霸天下名聲廣裕不

可掩也則唯有明君在上察相在下也

初桓公郊迎管子而問焉管仲辭讓然後對以參國伍
鄙立五鄉以崇化建五屬以厲武寄兵於政因罰備器
械加兵無道諸侯以事周室桓公大說於是齊戒十日

將相管仲管仲曰斧鉞之人也幸以獲生以屬其腰領

屬綴連也

臣之祿也若知國政非臣之任也公曰子大夫受

政寡人勝任

言子受政而輔我我則勝君之任也

子大夫不受政寡人恐

崩管仲許諾再拜而受相三日公曰寡人有大邪三其

猶尚可以為國乎對曰臣未得聞公曰寡人不幸而好

田晦夜而至禽側

言風興晦夜之時已至禽之側畔也

田莫不見禽而後

反

其田必見禽多獲而後反

諸侯使者無所致百官有司無所復

既專

於田故使者不得致命有司不得白事

對曰惡則惡矣然非其急者也公

曰寡人不幸而好酒日夜相繼諸侯使者無所致百官
有司無所復對曰惡則惡矣然非其急者也公曰寡人
有污行不幸而好色而姑婦有不嫁者對曰惡則惡矣
然非其急者也公作色曰此三者且可則惡有不可者
矣

此三者尚以為可豈更有不可於此者

對曰人君唯優與不敏為不可

優謂逶隨不斷

優則亡衆不敏不及事公曰善吾子就舍異日

請與吾子圖之對曰時可將與夷吾何待異日乎

可言之時

正與夷吾不可待他日

公曰奈何對曰公子舉為人博聞而知禮

好學而辭遜請使游於魯以結交焉公子開方為人巧

轉而允利請使游於衛以結交焉曹孫宿之為人小

廉而苛怵

音逝苛密怵習也言多所慣習也

足恭而辭結

其辭能與人定交結

正

荆之則也

言此人立行正與荆俗同使之游荆必得其歡心上二人亦然

請使往游以

結交焉遂立行三使者而後退

使三使行出然後退

相三月請論

百官公曰諾管仲曰升降揖讓進退閑習辨辭之剛柔

臣不如隰朋請立為大行

大行大使之官

墾草入邑辟土聚粟

多衆盡地之利臣不如甯戚請立為大司田平原廣牧

廣遠可牧之地

車不結轍士不旋踵鼓之而三軍之士視死如

歸臣不如王子城父請立為大司馬決獄折中不殺不

辜不誣無罪臣不如賓胥無請立為大司理犯君顏色

進諫必忠不辟死亡不撓富貴臣不如東郭牙請立以

為大諫之官此五子者夷吾一不如

於五子各不如其一

然而以

易夷吾夷吾不為也

以五子之能易夷吾之德則夷吾所不能

君若欲治國

強兵則五子者存矣若欲霸王夷吾在此桓公曰善

王言第二十一

闕

內言四

管子卷八

欽定四庫全書薈要卷一萬三百六十一

子部

管子卷九

唐房玄齡註

霸形第二十二

陳霸言之形容

內言五

桓公在位管仲隰朋見立有間有貳鴻飛而過之
桓公歎曰仲父今彼鴻鵠有時而南有時而北有
時而往有時而來四方無遠所欲至而至焉非唯
有羽翼之故是以能通其意於天下乎管仲隰朋

不對桓公曰二子何故不對管子對曰君有霸王之心而夷吾非霸王之臣也是以不敢對桓公曰

仲父胡為然盍不當言寡人其有鄉乎

何不陳當言令寡人

有所歸向

寡人之有仲父也猶飛鴻之有羽翼也若濟

大水有舟楫也仲父不一言教寡人寡人之有耳

將安聞道而得度哉

言何以自度得至於霸王哉

管子對曰君

若將欲霸王舉大事乎則必從其本事矣桓公變躬遷席拱手而問曰敢問何謂其本管子對曰齊

國百姓公之本也人甚憂饑而稅歛重人甚懼死而刑政險人甚傷勞而上舉事不時公輕其稅歛則人不憂饑緩其刑政則人不懼死舉事以時則人不傷勞桓公曰寡人聞仲父之言此三者聞命矣不敢擅也將薦之先君

不敢專擅自發此命將進之宗廟告先君而後

行所謂以神道設教者也

於是令百官有司削方墨筆

方謂版牘也凡

此欲書其

明日皆朝於太廟之門朝定令於百吏

因朝廟而定

使稅者百一鍾

假令百石而取一鍾

孤幼不刑

澤梁時縱

放人入不設禁

關譏而不征市書而不賦

書謂錄其

名籍近者示之以忠信遠者示之以禮義行此數年而民

歸之如流水此其後宋伐杞狄伐邢衛桓公不救裸體

紉胸稱疾

紉猶摩也自摩其胸若有所痛患也

召管仲曰寡人有千歲之

食而無百歲之壽今有疾病姑樂乎管子曰諾於是令

之縣鍾磬之棖

于元反棖所以嚴飾之

陳歌舞竽瑟之樂日殺數

十牛者數旬羣臣進諫曰宋伐杞狄伐邢衛君不可不

救桓公曰寡人有千歲之食而無百歲之壽今又疾病

姑樂乎且彼非伐寡人之國也伐鄰國也子無事焉宋

已取杞狄已拔邢衛矣桓公起行荀虞之間管子從至

大鍾之西桓公南面而立管仲北鄉對之大鍾鳴桓公

視管仲曰樂夫仲父管子對曰此臣之所謂哀非樂也

臣聞之古者之言樂於鍾磬之間者不如此言脫於口

而令行乎天下

脫出也

游鍾磬之間而無四面兵革之憂

今君之事言脫於口令不得行於天下在鍾磬之間而

有四面兵革之憂此臣之所謂哀非樂也桓公曰善於

是伐鍾磬之縣

伐謂斫斷也

併歌舞之樂

併除也

宮中虛無人

不令人掌守之桓公曰寡人以伐鍾磬之縣併歌舞之樂矣請

問所始於國將為何行管子對曰宋伐杞狄伐邢衛而

君之不救也臣請以慶

以不救為是故慶之

臣聞之諸侯爭於強

者勿與分於強

若救三國是分於強

今君何不定三君之處哉

三君

既失國當定其居處也

於是桓公曰諾因命以車百乘卒千人以

緣陵封杞車百乘卒千人以夷儀封邢車五百乘卒五

千人以楚丘封衛桓公曰寡人以定三君之居處矣今

又將何行管子對曰臣聞諸侯貪於利勿與分於利君何不發虎豹之皮文錦以使諸侯令諸侯以縵帛鹿皮報桓公曰諾於是以虎豹皮文錦使諸侯諸侯以縵帛

鹿皮報則令固始行於天下矣此其後楚人攻宋鄭燒

炳燬焚鄭地使城壞者不得復築也屋之燒者不得復

葺也令其人有喪

雌雄失男女之偶

居室如鳥鼠處穴要宋

田夾塞兩川使水不得東流

楚人又遮取宋田夾兩川築堤而壅塞之故水不得

東流兩川蓋睢汴也

東山之西水深滅垝

垝敗牆也

四百里而後可田

也楚欲吞宋鄭而畏齊曰思人衆兵強能害己者必齊也於是乎楚王號令於國中曰寡人之所明於人君者莫如桓公所賢於人臣者莫如管仲明其君而賢其臣寡人願事之

既以其君臣為明賢故願事之

誰能為我交齊者寡人不

愛封侯之君焉於是楚國之賢士皆抱其重寶幣帛以事齊桓公之左右無不受重寶幣帛者於是桓公召管仲曰寡人聞之善人者人亦善之今楚王之善寡人一甚矣寡人不善將拂於道

拂違也若不報善之是違於道也

仲父何不

遂交楚哉管子對曰不可楚人攻宋鄭燒燬焚鄭地
使城壞者不得復築也屋之燒者不得復葺也令人有
喪雌雄雄居室如鳥鼠處穴要宋田夾塞兩川使水不得
東流東山之西水深滅垓四百里而後可田也楚欲吞
宋鄭思人衆兵強而能害己者必齊也是故以文克齊
以寶幣賂齊而齊自服故曰以文克齊而以武取宋鄭而不

知禁是失宋鄭也禁之則是又不信於楚也知失於內
兵困於外非善舉也桓公曰善然則若何管子對曰請

興兵而南存宋鄭而令曰無攻楚言與楚王遇

冬會
日遇

至

於遇上而以鄭城與宋水為請楚若許則是我以文令也楚若不許則遂以武令焉桓公曰善於是遂興兵而南存宋鄭與楚王遇於召陵之上而令於遇上曰毋貯粟毋曲隄無擅廢適子無置妾以為妻因以鄭城與宋水為請於楚楚人不許遂退七十里而舍使軍人城鄭南之地立百代城焉

取其雖百代而
無敢毀者也

曰自此而北至於

河者鄭自城之而楚不敢隳也東發宋田夾兩川使水

復東流而楚不敢塞也遂南伐及踰方城濟於汝水望

汶山

汶音岷岷山江水所從出

南致楚越之君而西伐秦北伐狄東

存晉公於南

自伐秦而遂存晉於晉之南故曰東存

北伐孤竹還存燕公

兵車之會六乘車之會三九合諸侯反位已霸修鍾磬

而復樂管子曰此臣之所謂樂也

霸言第二十三

謂此言足以成霸道

內言六

霸王之形象天則地

謂象天明則地義

化人易代

謂美教化移風俗

創

制天下

與之更始

等列諸侯

列爵惟五各得其宜

賓屬四海

賓禮四夷以恩屬之

時匡天下

時一會而正之

大國小之曲國正之強國弱之重國

輕之亂國并之

并亂所以總其威權

暴王殘之侈其罪卑其列維

其民然後王之

其王之凶暴者則殘滅之於國戮其首罪卑其爵列維持其人衆

夫豐

國之謂霸

但自豐其國者霸也

兼正之國之謂王

兼能正他國者王

夫王

者有所獨明德共者不取也道同者不王也

夫能王天下者必有

獨見之明羣物之所不違若彼德與我共彼道與我同則不取而且不王

夫爭天下者以威

易危暴王之常也

若以兵威易彼危亂此固暴王之常也非霸王之道也

君人者

有道有常道也霸王者有時

必遇其時然後霸王

國修而鄰國無道霸

王之資也

我修而彼暴可以取亂侮亡故曰資也

夫國之存也鄰國有焉

雖存而國小弱必事鄰國以為安故曰鄰國有焉

國之亡也鄰國有焉

因其亡而取之

鄰國有事鄰國得焉

鄰國有征伐之事因而敗績故鄰國得焉

鄰國有事鄰

國亡焉

或有征伐之事大勝而多獲遂亡鄰國

天下有事則聖王利也

必有

非常之事然後有非常之人

國危則聖人知矣

懷獨見之明故先知

夫先王所

以王者資鄰國之舉不當也

舉事皆當則我無因為功

舉而不當此

鄰敵之所以得意也

不當所以資我故得意也

夫欲用天下之權者

必先布德諸侯

諸侯懷德而歸欲求無權其可得乎

是故先王有所取有

所與

所謂將欲取之必姑與之

有所誦有所信

所謂尺蠖之屈以求伸也

然後能

用天下之權

妙於前四事故能用天下之權

夫兵幸於權權幸於地

幸兵

在於有權權從在於得地幸猶勝也

故諸侯之得地利者權從之失地利

者權去之夫爭天下者必先爭人

人唯邦本

明大數者得人

審小計者失人得天下之衆者王得其半者霸是故聖

王卑禮以下天下之賢而王之均分以鈞天下之衆而

臣之

既王有地均分其祿用此以引天下之衆故可得而臣之也

故貴為天子富有

天下而伐不謂貪者其大計存也

得地均分可以臣彼地自利彼於我何貪

此其大計也 以天下之財利天下之人以明威之振利天下之人還

用天下之財於我無所減削更可以明威權之振所謂惠而不費者也 合天下之權以遂

德之行結諸侯之親合天下之權皆令在己權總則德遂德遂則親成也以姦佞

之罪刑天下之心所謂懲一而勸百因天下之威以廣明王之

伐明天下所欲亡而亡之則明王之伐自廣攻逆亂之國賞有功之勞封賢

聖之德明一人之行而百姓定矣賞加一人而天下勸罰加一人而天下畏

故曰明一人之夫先王取天下也非術則無以術乎行而百姓定矣

大德哉物利之謂也術可以取天下故曰大德然夫使術之所歸在於令物得利也

國常無患而名利並至者神聖也

神聖則多所感致

國在危亡

而能壽者明聖也

明聖則不失事機

是故先王之所師者神聖

也其所賞者明聖也

賞謂樂說也

夫一言而壽國

用其言故壽也

不

聽而國亡若此者大聖之言也夫明王之所輕者馬與

玉其所重者政與軍若失主不然輕與人政而重予人

馬輕予人軍而重與人玉重宮門之營而輕四竟之守

所以削也夫權者神聖之所資也獨明者天下之利器

也獨斷者微密之營壘也

謂獨斷可以自營而即定故曰營壘

此三者聖

人之所則也聖人畏微而愚人畏明

聖人能知吉凶之先見故曰畏微愚

人近火方知熱履水乃知寒故曰畏明也

聖人之憎惡也內愚人之憎惡也

外

聖人知心胸之姦謀故憎惡內愚人兵在頸方懼故憎惡外也

聖人將動必知愚人

至危易辭

聖人之動必聞知愚者至危不知禍之將至尚有慢易之辭然後湯武之師起也

聖

人能輔時不能違時

聖人能因時來輔成其事不能違時而立功不有桀紂之暴則無湯

武之功

知者善謀不如當時精時者日少而功多夫謀無

主則困事無備則廢是以聖王務具其備而慎守其時

以備待時以時興事時至而舉兵絕堅而攻國

其兵起絕而又

堅利故能攻國

破大而制地大本而小標

標末也本大而末小則難崩

塋近

而攻遠

所全之地近故能攻遠而有歸若高光之有闕中河內也

以大牽小以強使

弱以衆致寡德利百姓威振天下令行諸侯而不拂近

無不服遠無不聽夫明王為天下正理也

修正理而動故能成天下

之功按強助弱

按抑也

圍暴止貪存亡定危繼絕世此天

下之所載也

德義如此故為天下所載

諸侯之所與也

與親也

百姓之

所利也是故天下王之

天下樂推以為王

知蓋天下繼最一世

其繼敗續亡能成天下之功也

材振四海王之佐也千乘之國得其守

諸侯可得而臣天下可得而有也萬乘之國失其守國

非其國也天下皆理已獨亂國非其國也諸侯皆令從

霸者已獨孤國非其國也鄰國皆險已獨易易平易不牢固謂無

守禦之國非其國也此三者亡國之徵也夫國大而政

小者國從其政小政賊國故國小而政大者國益大大政

開國故大而不為者復小大而不為則強而不理者復

弱紀強而不理則綱衆而不理者復寡衆而不理則貴而

無禮者復賤貴而無禮則位重而凌節者復輕重則凌節則威

喪故富而驕肆者復貧

富而驕肆則財竭故復貧也

故觀國者觀君

君為觀軍者觀將

將為

觀備者觀野

野有障塞則國不侵

其君如

明而非明也

外明而內暗

其將如賢而非賢也

外賢而內愚

其人

如耕者而非耕也

雖耕而鹵莽

三守既失國非其國也

三守謂明

賢耕既失謂是而非

地大而不為命曰土滿

謂土廣而功狹也

人衆而不

理命曰人滿

謂人多而政少

兵威而不止命曰武滿

所謂亢之為言也知

進而不退也

三滿而不止國非其國也

三滿不止敗亡立至

地大而不

耕非其地也

地大不耕則無所獲

卿貴而不臣非其卿也

卿貴不臣化為

敵也謂人衆而不親非其人也人衆不親欲亡者也夫無土而欲

富者憂

無土欲富猶緣木而求魚故憂也

無德而欲王者危

無德而王猶欲進而

却行施薄而求厚者孤

施薄求厚人必不應故孤

夫上夾而下宜

宜包

裏也上既狹國小而都大者弑

此二者常有篡弑之禍

主尊臣卑

上威下敬令行人服理之至也使天下兩天子天下不

可理也一國而兩君一國不可理也一家而兩父一家

不可理也

凡此所謂兩權必爭亂之本也

夫令不高不行不搏不聽

搏聚

也君命不高

堯舜之人非生而理也

化之理

桀紂之人非

生而亂也

效之而亂

故理亂在上也夫霸王之所始也以人

為本本理則國固本亂則國危故上明則下敬政平則

人安士教和則兵勝敵使能則百事理親仁則上不危

任賢則諸侯服霸王之形

說霸王之形容

德義勝之智謀勝之

兵戰勝之地形勝之動作勝之故王之

有此五勝故可以王

夫善

用國者因其大國之重以其勢小之因強國之權以其

勢弱之因重國之形以其勢輕之

凡大強重皆國之盈盛者也然盛者有時

而衰盈者有時而息故因其衰息之

勢大者小之強者弱之重者輕之
強國衆合強以攻

弱以圖霸

謂時強國衆多吾國雖強亦可圖霸

強國少合小以攻大以圖

王

謂時強國既少我則合衆聚小以攻強大之國如此者可以圖王

強國衆而言王勢

者愚人之智也

非言王之時

強國少而施霸道者敗事之謀

也

非施霸之時

夫神聖視天下之形知動靜之時視先後之

稱知禍福之門強國衆先舉者危後舉者利

強國衆先舉必為強

者所圖故危

強國少先舉者王後舉者亡戰國衆後舉可以

霸戰國少先舉可以王夫王者之心方而不最

心雖方直未為

其列不讓賢

雖列爵位不讓賢俊

賢不齒弟擇衆

雖稱為賢無優劣齒弟又非選

衆而是貪大物也

大物謂大寶之位有此數者是定貪大位之利而無得位之實也

是

以王之形大也

不可以小數得

夫先王之爭天下也以方心

而最故可以爭天下也

其立之也以整齊

整而齊之故可立也

其理之也以

平易

平而易之故可理

立政出令用人道

政令須合人心

施爵祿用地

道

地道平而無私

舉大事用天道

心應天時然後可以舉大事

是故先王之

伐也伐逆不伐順伐險不伐易伐過不伐及

伐其太過者四

封之內以正使之

以正使之則人無怨

諸侯之會以權致之

以權致之

則不敢不來

近而不服者以地患之

侵削其地則自服

遠而不聽者

以刑危之

興師以征之

一而伐之武也

守一不移興師伐之此其武也

服而

舍之文也

既服舍之綏之以德此其文也

文武具滿德也

唯文武諸功可以滿其德

夫輕重強弱之形諸侯合則強孤則弱驥之材而百馬

伐之驥必罷矣強最一伐而天下共之國必弱矣強國

得之也以收小其失之也以恃強小國得之也以制節

制度合節故得

其失之也以離強

離強則乖節者也故失

夫國小大有謀

強弱有形服近而強遠

謂用強兵威遠國故曰強遠

王國之形也合

小以攻大敵國之形也以負海攻負海

謂以蠻夷攻蠻夷蠻夷負海以

為固故中國之形也折節事強以避罪小國之形也自
曰負海

古以至今未嘗有先能作難違時易形以立功名者無

有言無有此事常先作難違時易形無不敗者也夫欲臣伐

君以臣伐君若湯武之於桀紂也正四海者不可以兵獨攻而取也謂當

兼下必先定謀慮便地形利權稱親與國視時而動王

者之術也夫先王之伐也舉之必義用之必暴其用師必加於

亂暴相形而知可謂相其亂亡之形量力而知攻攻得而知時是

故先王之伐也必先戰而後攻先攻而後取地故善攻

者料衆以攻衆

量我衆寡可敵彼衆然後攻餘敵此

料食以攻食料備以

攻備以衆攻衆衆存不攻

彼衆存則我不能亡之故不攻

以食攻食食

存不攻以備攻備備存不攻釋實而攻虛

知其實而避之

釋堅

而攻驍釋難而攻易夫搏國不在敦古

在於合今時之宜搏聚也

理

世不在善攻

在於權宜

霸王不在成曲

在於全體

夫舉失而國

危刑過而權倒

刑罰過理則權柄倒錯

謀易而禍反

謀事數易禍必反來

計

得而強信

音申

功得而名從權重而令行固其數也

數猶理也

夫爭強之國必先爭謀爭刑爭權

先此三爭然後爭強

令人主一

喜一怒者謀也

謀得則喜
謀失則怒

令國一輕一重者刑也

怒刑
則重

喜刑
則輕

令兵一進一退者權也

權重則進
權輕則退

故精於謀則人

主之願可得而令可行也精於刑則大國之地可奪強

國之兵可圍也精於權則天下之兵可齊諸侯之君可

朝也夫神聖視天下之刑知世之所謀知兵之所攻知

地之所歸知令之所加矣夫兵攻所憎而利之此鄰國

之所不親也

兵攻所憎之國而以攻得為利
德義不施鄰國必怨而不親

權動所惡

而實寡歸者強

其威權既動移所惡而德義之實少為
人所歸如此但強而已不能至霸王也

擅破一國強在後世者王

今能專破一國常守其強傳之後世如此者王也

擅

破一國強在鄰國者亡

既破一國不能守強令鄰國得之如此者亡也

問第二十四

謂為國所當察問者

內言七

凡立朝廷問有本紀

所問之事必有根本綱紀

爵授有德則大臣興

義祿予有功則士輕死節上帥士以人之所戴則上下

和上帥其士所為者皆人之所戴仰故上下和

授事以能則人上功

有能然後得事

故人審刑當罪則人不易訟

易猶交也所刑皆當其罪故人不交相訟無亂

社稷宗廟則人有所宗

社稷宗廟各得其正則人知所宗

毋遺老忘親

則大臣不怨

大臣非國老則君親令不遺忘故不怨

舉知人急則衆不亂

行此道也

急謂困難也舉困難之事以示人則人不復行此道

國有常經人知終

始此霸王之術也

國有常經則人知終始之所歸如此者霸王之術也

然後問事事

先大功

先問大功則勞臣悅

政自小始

為政先小從微而至著

問死事之孤

其未有田宅者有乎

未有則給與之死事孤謂死王事之子孫

問少壯而未

勝甲兵者幾何人

知其數則預有所準

問死事之寡其餼廩何如

寡謂其妻餼廩言給其餼廩生食廩米粟之屬

問國之有功大者何官之吏

也

問何官之吏欲知其材之所當

問州之大夫也何里之士也

問何州里欲知

其風俗所好尚今吏亦何以明之矣

問吏所明欲知其優賞厚薄

問刑論有

常以行不可改也今其事之久留也何若

罪既論決國有常科當奉

而行之此不可改易者也今乃久留其事將如之何

問五官有度制官都其有常

斷今事之稽也何待

官都謂總攝諸司者也五官既各有制度官都復自有常斷今乃稽

其事而不行將何待乎

問獨夫寡婦孤寡疾病者幾何人也

知其數

當有所問國之弃人何族之子弟也

弃人謂有過不齒投之四裔者也問

知其族欲問鄉之良家其所牧養者幾何人矣

良家謂善營生

有所收也以致富者牧養謂其人不能自存良家全活之知其所養之數欲有所復除也

問邑之貧人債

而食者幾何家

債而食謂從富者出息以供食知其家數欲有所矜免也

問理園圃

而食者幾何家人之開田而耕者幾何家士之身耕者

幾何家問鄉之貧人何族之別也

知從何族而別或從公族當有所收恤也

問宗子之收昆弟者以貧從昆弟者幾何家

以貧故從昆弟以求

養者與之從者各有幾家也

餘子仕而有田邑今入者幾何人

謂收入其

稅者子弟以孝聞於鄉里者幾何人餘子父母存不養而

出離者幾何人

出離謂父母在分居者

士之有田而不使者幾何

人更惡何事

不使謂不用其更不惡此等當惡何事

士之有田而不耕者

幾何人身何事

既不耕此人
身為何事

君臣有位而未有田者幾

何人外人之來從而未有田宅者幾何家國子弟之游

於外者幾何人貧士之受責於大夫者幾何人

貧士無
資而被

大夫責者
有幾人

官賤行書身士以家臣自代者幾何人

其人
居官

乃賤自行文書身任士職輒
以家臣自代亦須知其數也

官承吏之無田餼而徒理

事者幾何人

承吏謂攝官無
餼而空理事

羣臣有位事官大夫者幾

何人

羣臣自有位事
乃左官於大夫

外人來游在大夫之家者幾何人

外人謂
外國人

鄉子弟力田為人率者幾何人

既自力田
又能率人

國子

弟之無上事衣食不節率子弟不田弋獵者幾何人

既無

上事乃率子弟不田農但弋獵

男女不整齊亂鄉子弟者有乎

謂不以禮交者

問人之貸粟米有別券者幾何家

別券謂分契也

問國之伏利

其可應人之急者幾何所也

伏利謂貨利隱藏不見若銅銀山及溝瀆可決而溉

灌人之所害於鄉里者何物也

人之為害者害何物

問士之有田

宅身在陳列者幾何人餘子之勝甲兵有行伍者幾何

人問男女有巧伎能利備用者幾何人

能利備器之用

處女操

工事者幾何人

能操女工之事謂綺繡之屬也

冗國所開口而食者幾

何人

言其不農作
直開口仰食

問一民有幾年之食也問兵車之計

幾何乘也牽家馬輓家車者幾何乘

牽家馬言直有馬
輓家車言直有車

相配以
成乘

處士修行足以教人可使帥衆莅百姓者幾何

人士之急難可使者幾何人

謂士之可以
急難使者

工之巧出足

以利軍伍處可以修城郭補守備者幾何人

其人既有
技巧出用

則能利軍居處則
可以修城補備也

城粟軍糧其可以行幾何年也

行由
經也

城粟謂守城之粟軍糧謂
出軍之糧二者可經幾年

吏之急難可使者幾何人大

夫疏器

疏謂飾
畫也

甲兵兵車旌旗鼓鏡帷幕帥車之載幾

何乘

載謂其車蓋

疏藏器

疏畫而可以藏者

弓弩之張

弓弩之可以張者

衣

夾缺

缺兩刃鉞也衣夾謂其衣也

鈎弦之造

鈎弦所以挽弦

戈戟之緊

緊謂其堅

強其厲何若

其淬厲可用何如

其宜修而不修者故何視

視比也其

器物宜修者

而造修之官出器處器之具宜起而未起

者何待

出器謂可出用之器處器謂貯庫而為備者起謂其材所經日月可起用者也

鄉師車

輜造修之具其繕何若

輜謂車之有防蔽可以重載者

工尹伐材用毋

於三時羣材乃植而造器定冬完良備用必足

工尹工官之長

三時謂春夏秋此時木方生植不堅故不可伐材其伐材必以冬也

人有餘兵詭陳之行

以慎國常

方戰有餘兵不用且詭而陳之以為時簡稽行伍當慎而聽命遵國之常令也

時簡稽

帥馬牛之肥腴其老而死者皆舉之

軍之統帥常時簡選稽考之以知其

能不而有黜陟至於馬牛肥腴及老而死者皆舉之以知其數也

其就山藪林澤食薦

者幾何

薦草之美者

出入死生之會幾何

會謂合其數

若夫城郭

之厚薄溝壑之淺深門閭之尊卑宜修而不修者上必

幾之

幾察也君必察知之

守備之伍器物不失其具淫雨而各有

處藏

器物遇雨不藏必致腐敗故當有藏處

問兵官之吏國之豪士其急

難足以先後者幾何人

官吏國豪有急難可令之先後者當知其數相導前後曰先後

詩曰予曰有先後

夫兵事者危物也不時而勝不義而得未為

福也

必合於時義然後為福

失謀而敗國之危也慎謀乃保國問

所以教選人者何事

其教人及選人者問以何事欲知其勤且觀其材用也

問執

官都者其位事幾何年矣

執官都之職者問其官位及執事并建立之年數

所

辟草萊有益於家邑者幾何矣所封表以益人之生利

者何物也

謂其事業最可以益人者遂封表以示之問知是何物也

所築城郭修牆

閉絕通道阨闕深防溝以益人之地守者何所也

謂築

牆有所遮閉雖通路而為防礙者絕塞之阨闕空之處亦當絕之凡此守地者所以省其功費故曰益地守

所捕盜賊除人害者幾何矣

制地君曰理國之道地德為首

當制地之時君為此言故言曰法地以為政故

曰地德為首

君臣之禮

地有高下君臣之禮也

父子之親

高地下覆下地上承父子

之親也

覆育萬人

百貨出於地人得以生焉故曰覆育萬人

官府之藏強兵保

國城郭之險外應四極

四極謂國之四鄙也自官府已下非地則無所容居

具取

之地

凡此皆因地而成故曰具取之地

而市者天地之財具也

求天地之財不

登山不入海於市求而得之故曰天地之財具

而萬人之所和而利也

和謂交易也萬

人因市交易而得利

正是道也

言市正合道之理

民荒無苛人盡地之職

一保其國

欲理荒人無得苛虐但使盡地之職自然齊一而保國也

各主異位毋使

讒人亂普而德營九軍之親

自君以下其位既異當各主之無使讒人交亂普廢

其德如此則九軍之親自營也

關者諸侯之阨隧也

謂阨隅之道也而外財之

門戶也

他國之財因之而入

萬入之道行也

謂因此出入

明道以重告

之

當明道路之令再重而告之

征於關者勿征於市

征於關謂行商征於市

者勿征於關

征於市謂坐賈

虛車勿索

索虛車益其煩擾

徒負勿入

徒負

貨既寡故勿令入其征

以來遠人

關征如此可

十六道同

齊國凡有十六

道皆置關並同此令

身外事謹則聽其名

謂出入於關者身之外事既謹而從令皆當聽

其名之視其名視其色

既知其名又須視其色之是非

是其事稽其德

既知其色又須是正其事以考合其德也

以觀其外

既知其德又觀其外以校量之

則無敦

於權人以困貌德

敦猶厚也校察如此則權詐之人無以成其厚校察行則困厚姦非因而

不生故曰以困貌德

國則不惑行之職也

凡國無姦人所以不惑此掌行者之職

問

於邊吏曰小利害信小怒傷義邊信傷德

邊人失信故傷德也

厚

和構四國以順貌德

敦厚而和可以構結四國四國之來皆以誠信故曰以順貌德

后

鄉四極

既結四國然後向四極而撫安之

令守法之官日行

又令守法之官日行

邊鄙無闕塞

度必明失經常

其巡行之時必明其制度無得失於經常

謀失第二十五

闕

內言八

炳

而悅
反

管子卷九

欽定四庫全書薈要卷一萬三百六十二

子部

管子卷十

唐房玄齡註

戒第二十六

所以陳戒桓公

內言九

桓公將東游問於管仲曰我游猶軸轉斛

言我之游必有

所濟猶軸之轉載斛石

南至琅邪司馬曰亦先王之游已何

謂也

春游而南行故司馬正令之為先王之游公未達其意故問管仲

管仲對曰

先王之游也春出原農事之不本者謂之游

原察也農

事不依本務
當原察之

秋出補人之不足者謂之夕

秋謂西成尚有

不足者
當補之

夫師行而糧食其民者謂之亡

師行無成功空費糧

食如此
者必亡

從樂而不反者謂之荒先王有游夕之業

於人無荒亡之行於身桓公退再拜命曰寶法也

謂其法
可寶也

管仲復於桓公曰無翼而飛者聲也

出門庭

千里必應故
曰無翼而飛

無根而固者情也

同舟而濟胡越不患異心知其情也

故曰無
根而固
無方而富者生也

生全則萬方輻湊生盡則鴻毛不振故曰無方

而富也莫知生所
在故曰無方也

公亦固情謹聲以嚴尊生

言當固物

情謹聲教嚴為防禦以尊其生

此謂道之榮

謂此三者順道而光榮

桓公退

再拜請若此言

若順也

管仲復於桓公曰任之重者

莫如身

萬事萬行非身不舉故曰重任

塗之畏者莫如口

樞機之發榮辱

之主故

期而遠者莫如年

殤夭日聞期願實寡故曰遠期也

以重

任行畏塗至遠期唯君子乃能矣桓公退再拜之

曰夫子數以此言者教寡人管仲對曰滋味動靜

生之養也好惡喜怒哀樂生之變也聰明當物生

之德也

非禮勿視聽故曰當物

是故聖人齊滋味而時動靜

所以養其生

御正六氣之變

所以循其變也六氣即好惡喜怒哀樂

禁止

聲色之淫

所以成其德

邪行亡乎體違言不存口

體無邪行

口言必順靜然定生聖也

欲靜則生定如此者聖也

仁從中出義從

外作

仁自心生故曰中出義因事斷故曰外作

仁故不以天下為利義

故不以天下為名

若以天下為名利則非仁義也

仁故不代王以

道輔君而代之王者非仁也

義故七十而致政

老而不致政貪冒者耳非義也

是故聖人上德而下功尊道而賤物

物謂名利之事道德

當身故不以物惑

身苟有道德豈名利之物能惑哉

是故身在草

茅之中而無懾意

道德為量何懼之有

南面聽天下而無驕

色

神器儻來何驕之有

如此而後可以為天下王所以謂德

者不動而疾

德必冥通故不動而疾

不相告而知

不出戶牖以知天下

不為而成

無為而無不為

不召而至是德也

同聲相應同氣相求如此者可謂至

德也故天不動四時云下而萬物化

天常無為故曰不動四時云下故萬物

化云運動貌也

君不動政令陳下而萬功成

君亦常無為故曰不動然政令陳列

而下故萬物成也

心不動使四肢耳目而萬物情

心亦當無為故曰不動然

四肢耳目自心使萬物莫不得其情也

寡交多親謂之知人

以其知人能交寡而親

多寡事成功謂之知用

以其知用故能事寡而功成

聞一言以貫萬

物謂之知道

以其知道故能聞一言而得物貫也

多言而不當不如其寡

也

故曰狗不以善吠為良人不以多言為賢

博學而不自反必有邪

博學而不反修

於其身心曼行者故必有邪行

孝弟者仁之祖也

仁從孝弟生故為仁祖

忠信者

交之慶也

有忠信之心故能慶交友之善

內不考孝弟

言不仁

外不正忠

信

言不友

澤其四經而誦學者是亡其身者也

四經謂詩書禮樂既

無孝弟忠信空使四經流澤徒為誦學者即四經可以亡身也

桓公明日弋在廩

廩所盛

米粟禽鳥或多集焉故於此弋也

管仲隰朋朝公望二子弛弓脫鉞

鉞所

以杆弦

而迎之曰今天鴻鵠春北而秋南而不失其時夫

唯有羽翼以通其意於天下乎今孤之不得意於天下

非皆二子之憂也

二子不能為羽異所以當憂

桓公再言二子不對

桓公曰孤既言矣二子何不對乎管仲對曰今夫人患

勞而上使不時人患饑而上重斂焉人患死而上急刑

焉如此而又近有色

親治容

而遠有德

疎賢俊

雖鴻鵠之有

翼濟大水之有舟楫也其將若君何

不飛雖羽翼無益不濟雖舟楫徒施

不聽雖讜言空設

故曰其將若君何桓公蹙然遂遁管仲曰昔先王之理

人也蓋人有患勞而上使之以時則人不患勞也人患饑而上薄歛焉則人不患饑矣人患死而上寬刑焉則

人不患死矣如此而近有德而遠有色則四封之內視

君其猶父母邪四方之外歸君其猶流水乎公輟射援

綏而乘自御管仲為左隰朋參乘朔月三日進二子於

里官里官謂里尉也齊國之法舉賢必自里尉始故令里官進二子將旌別而用之再拜頓首

曰孤之聞二子之言也耳加聰而視加明於孤不敢獨

聽之薦之先祖謂陳其所言以薦祖廟管仲隰朋再拜頓首曰如

君之王也

君能如此可以王也

此非臣之言也君之教也

此雖臣言必君

用之然後成教故曰君之教

於是管仲與桓公盟誓為令曰老弱勿

刑叅宥而後弊

老弱犯罪者無即刑之必三寬宥而後斷罪三宥即周禮三宥一曰不識二曰

過誤三曰悼耄也

關幾而不征市征而不布

布謂錢也即其物而征之不必分錢

山林梁澤以時禁發而不征也

獺祭魚然後入澤梁豺祭獸然後入山林草

封澤鹽者之歸之也譬若市人

草封澤謂澤多草刈積成封可用煮鹽者也其

處既多鹽故歸者譬若市人言不設禁也

三年教人四年選賢以為長五年

始興車踐乘遂南伐楚門傳施城

施城楚城名北伐山謂附至其下

戎出冬蔥與戎菽布之天下

山戎有冬蔥戎菽今伐之故其物布天下戎菽胡豆

果三匡天子而九合諸侯

桓公外舍而不昪饋

外舍謂出宿於外不以昪饋食言其饌不盛也

中婦諸子

謂宮人盍不出從乎君將有行

中婦諸子內宮之號君將有行何不出乎盍何

也不宮人皆出從公怒曰孰謂我有行者宮人曰賤妾聞

之中婦諸子公召中婦諸子曰女焉聞吾有行也對曰

妾人聞之君外舍而不昪饋非有內憂必有外患今君

外舍而不昪饋君非有內憂也妾是以知君之將有行

也公曰善此非吾所與女及也而言乃至焉

言我本不與汝及此

謀今汝言乃能至於此謂能知我謀也

吾是以語女吾欲致諸侯而不至

為之奈何

我欲諸侯之至而乃不至今欲令其至如何乎

中婦諸子曰自妾之

身之不為人持接也

為猶與也言妾身在深宮之中未嘗得出與人相持而接對

未

嘗得人之布織也意者更容不審耶

宮中既少織絰之事又不得外人之

布織言此者既昧於人事不當訪以軍謀蓋託不知以止君之行也故言更當容我思其不審之事

明日

管仲朝公告之管仲曰此聖人之言也君必行也

謂中婦諸

子止君不行此合聖人之言也令君行之

管仲寢疾桓公往問之曰仲父之疾甚矣若不可諱也
不幸而不起此疾彼政我將安移之管仲未對桓公曰
鮑叔之為人何如管仲對曰鮑叔君子也千乘之國不
以其道予之不受也

雖與千乘之國不以其道彼必不受

雖然不可以為政

其為人也好善而惡惡已甚

已猶太也言憎惡惡人太甚

見一惡終

身不忘桓公曰然則孰可管仲對曰隰朋可朋之為人

好上識而下問

好上識謂好知遠大之事

臣聞之以德予人者謂之

仁以財予人者謂之良以善勝人者未有能服人者也

以善勝人人亦生以善養人者未有不服人也於國

勝己之心故不服有所不知政於家有所不知事必則朋乎

若皆知之則事鍾於已將

不勝任而敗朋能有且朋之為人也居其家不忘公門

所不知故可以移政居公門不忘其家事君不二其心亦不忘其身舉齊國

之幣握路家五十室其人不知也大仁也哉其朋乎

特握

也或有舉齊國之幣持與路旁之家五十室言其事大而且易顯此皆自有主司朋能不干預而強知此所謂

於國有所不知政合於天地之無不容載故曰大仁哉其朋乎已

公又問曰不幸而失

仲父也二三大夫者其猶能以國寧乎管仲對曰君請

矍已乎

矍已謂有所驚懼而問未止也

鮑叔牙之為人也好直賓胥無

之為入也好善甯戚之為人也能事孫在之為入也善

言公曰此四子者其孰能一人之上也寡人并而臣之

則其不以國寧何也

言四子皆有超絕之材無人能過其工今吾併得臣之國尚不寧何

也對曰鮑叔之為人好直而不能以國詘

不能為國以屈其直也

賓胥無之為人也好善而不能以國詘甯戚之為人能

事而不能以足息

甯戚善於農植貪於積聚不能知足而息也

孫在之為人

善言而不能以信默

其所陳言既見信用尚不能默凡此四子皆矜能太過不能與時屈

仲故國臣聞之消息盈虛與百姓詘信然後能以國寧
不寧也

勿已者朋其可乎朋之為人也動必量力舉必量技言
終喟然而歎曰天之生朋以為夷吾舌也其身死舌焉

得生哉

言朋亦將隨已早亡不得久理齊政故
哀歎也以先知未然夷吾所以稱聖也

管仲曰

夫江黃之國近於楚為臣死乎

二國既近於楚必臣於
楚豈為齊臣而死乎

君必歸之楚而寄之

以二國歸楚若寄託然則
楚不得為私而齊猶有望

君不歸

楚必私之私之而不救也則不可救之則亂自此始矣

楚既私二國二國有難齊必不救一為不救則桓公曰
不可救此救彼不臣則構怨矣故曰亂自此始

諾管仲又言曰東郭有狗噉噉旦暮欲齧我豸而不使

也今夫易牙子之不能愛將安能愛君君必去之公曰

諾東郭之狗喻易牙言其人殘忍同於狗矣豸謂以木連狗取聲為義即國家也言易牙終能亡國滅家此

不當使必管子又言曰北郭有狗噉噉旦暮欲齧我豸而須去之也

不使也今夫豎刁其身之不愛焉能愛君君必去之公

曰諾管子又言曰西郭有狗噉噉旦暮欲齧我豸而不

使也今夫衛公子開方去其千乘之太子而臣事君是

所願也得於君者是將欲過其千乘也開方在衛當嗣君之位今弃而事齊

則所望不只千乘也其意必得齊國然後稱所望也

君必去之桓公曰諾管子遂

卒卒十月隰朋亦卒桓公去易牙豎刁衛公子開方五味不至於是乎復反易牙宮中亂復反豎刁利言卑辭不在側復反衛公子開方桓公內不量力外不量交而力伐四鄰公薨六子皆求立易牙與衛公子內與豎刁因共殺羣吏而立公子無虧故公死七日不歛九月不葬孝公奔宋宋襄公率諸侯以伐齊戰於甌大敗齊師殺公子無虧立孝公而還襄公立十三年桓公立四十

二年

地圖第二十七

短語一

凡兵主者必先審知地圖輶輳之險

謂路形若輳而又輶曲緄氏東南有

輶輳道是也

濫車之水

其水深渺能泛車

名山通谷經川

謂常川也陵陸

丘阜之所在苴草林木蒲葦之所茂

苴草謂其草深茂能有所覆藏道

里之遠近城郭之大小名邑廢邑困殖之地

困謂其地境垆不可

種藝殖謂壤田可播殖者也

必盡知之

凡此皆兵主所當知

地形之出入相錯

者盡藏之

藏謂苞蘊在心

然後可以行軍襲邑舉錯知先後不

失地利此地圖之常也人之衆寡士之精粗器之功苦

盡知之此乃知形者也

形謂兵之形

知形不如知能知能不

如知意故主兵必參具者也主明相知將能之謂參具

明智能三者合故謂之參具

故將出令發士期有日數矣宿定所征

伐之國

宿猶先也

使羣臣大吏父兄便辟左右不能議成敗

人主之任也

事之成敗明王獨斷於心故其臣不能議

論功勞行賞罰不敢

蔽賢

不敢蔽隱賢能

有私行用貨財供給軍之求索

言相室或用私財供

軍所求若竇嬰李牧之爲也

使百吏肅敬不敢解怠行邪以待君之

令相室之任也繕器械選練士為教服

設教令使士服習

連什

伍

使其什伍各相鈎連有所統屬

徧知天下審御機數此兵主之事也

參患第二十八

太強亦有患太弱亦有患必參於強弱之中自致於無患也

短語二

凡人主者猛毅則伐懦弱則殺猛毅者何也輕誅殺人之謂猛毅懦弱者何也重誅殺人之謂懦弱此皆有失彼此凡輕誅者殺不辜而重誅者失有辜故上殺不辜則道正者不安上失有罪則行邪者不變道正者不安則才能之人去亡行邪者不變則羣臣朋黨才能之人

去亡則宜有外難

能士去亡必構鄰來伐故有外難也

羣臣朋黨則宜有

內亂

羣臣朋黨則狗變為虎篡殺常因是生故有內亂也

故曰猛毅者伐懦弱者

殺也君之所以卑尊國之所以安危者莫要於兵故誅

暴國必以兵禁辟民必以刑然則兵者外以誅暴內以

禁邪故兵者尊主安國之經也不可廢也若夫世主則

不然外不以兵而欲誅暴則地必虧矣

無兵誅暴暴必內侵故地虧

內不以刑而欲禁邪則國必亂矣

無刑禁邪邪必上侵故國亂

故凡

用兵之計三驚當一至

驚謂耀威示威能驚敵使懼如此者三可當師之一至敵國

三至當一軍

師之三至可當一軍之用

三軍當一戰

軍之三用可成一戰之功故

一期之師十年之蓄積殫

師行一期能盡十年之蓄積

一戰之費累

代之功盡

傾國一戰能盡累代之功

今交刃接兵而後利之則戰之

自勝者也

交刃接兵必卒喪刃折貨財空耗雖未被敵勝先已自勝

攻城圍邑主人

易子而食之析骸而爨之則攻之自拔者也

主人食子爨骸攻者

必智窮力竭財殫士喪城雖未攻先已自拔凡此皆庸主之師非善計者

是以聖人小征而

大匡不失天時不空地利用日維夢其數不出於計

小征

謂誅暴國大匡謂正天下既合天時又得地利故計必用吉日襲吉夢其數從何而生皆出於計謀也

先定而兵出於竟計未定而兵出於竟則戰之自敗攻

之自毀者也得衆而不得其心則與獨行者同實

不得其心

則叛亡至故與獨行同實也

兵不完利與無操者同實甲不堅密與

伐者同實

伐謂無甲單衣者

弩不可以及遠與短兵同實射而

不能中與無矢者同實中而不能入與無鏃者同實將

徒人與伐者同實

徒人謂無兵甲者伐單也人雖衆無兵甲則與單人同也

短兵待

遠矢與坐而待死者同實

遠矢至短兵不能應則坐而受死也

故凡兵有

大論必先論其器論其士論其將論其主故曰器濫惡

不利者以其士予人也士不可用者以其將予人也將

不知兵者以其主予人也主不積務於兵者以其國予

人也故一器成往夫具而天下無戰心

一器謂師之器其器既成敢往

之夫又具則天下不敢生心與戰也

二器成驚夫具而天下無守城

二器謂軍

之器其器既成驚敵之夫又具則天下不敢守城而禦也

三器成游夫具而天下無

聚衆

三器謂一國之器其器既成游務之夫又具則天下之衆懼而自散也

所謂無戰心

者知戰必不勝故曰無戰心所謂無守城者知城必拔

故曰無守城所謂無聚衆者知衆必散故曰無聚衆

制分第二十九

短語三

凡兵之所以先爭

謂欲用兵所當先而爭為者謂下事

聖人賢士不為愛

尊爵

有聖人賢士則以尊爵加之而不愛惜也

道術知能不為愛官職

有道術智

能則以官職加之

巧伎勇力不為愛重祿聽耳目不為愛金

財故伯夷叔齊非於死之日而後有名也其前行多修

矣

由前行多修故死後有名

武王非於甲子之朝而後勝也其前政

多善矣

由前政多善故甲子之朝一戰大勝

故小征千里徧知之

小征謂以諸侯

之衆有所征古者諸侯大國有五百里者今既舉衆而征已國與敵國皆當知之故徧知千里

築堵之

牆十人之聚日五間之

間謂私候之假令築一堵之牆或十人聚作主者猶日五候之

況戎事之大可以不徧知哉

大征徧知天下

大征謂以天下之衆有所征伐天子以天下為

家故徧知天下也

日一間之散金財用聰明也

夫勳衆當令主者日一間候之

其間候之也或散金財有所慕賞或用聰明度其不虞也

故善用兵者無溝壘而有

耳目

溝壘防禦小耳目視聽遠

兵不呼傲不苟聚不妄行不強進呼

傲則敵人戒苟聚則衆不用

無事徒聚衆必不用若周幽之偽烽也

妄行

則羣卒困強進則銳士挫故凡用兵者攻堅則軻

軻牢固之

名也所攻既堅則軻而難入

乘瑕則神

瑕謂虛脆也所乘既脆繡然瓦解故若神

攻堅則

瑕者堅

所攻雖堅能令脆者則以士卒堅強故也

乘瑕則堅者瑕

所乘雖脆却為堅者

則以士卒脆弱故也

故堅其堅者瑕其瑕者

謂強卒攻脆卒攻脆

屠牛坦

朝解九牛而刀可以莫鐵

莫猶削也

則刃游閒也

刃游理閒故刀不虧

故天道不行屈不足

用兵者必順天道若及天道之不行必屈竭而不足

從人事

荒亂以十破百

敵國人事既荒且亂故十可破百

器備不行以半擊倍

敵國器備不可施行故

故軍爭者不行於完城池

先行謂先覘

之也欲以軍爭而行其

有道者不行於無君

覘彼無君亦恐知而

城池彼則知而備之也

有故莫知其將至也

既不先覘以潛襲所以不知其將至至而不可圍莫

知其將去也

不可圍者必潛而近故不
知其將去楚幕有烏之比去而不可止敵

人雖衆不能止

去既不可止
雖衆何能止

待治者所道富也治而未

必富也

有所待而治其道
當然未必能富

必知富之事然後能富富者

所道強也而富未必強也

富者其道當強
而未必能強也

必知強之數

然後能強強者所道勝也而強未必勝也必知勝之理

然後能勝勝者所道制也而勝未必制也必知制之分

然後能制是故治國有器富國有事強國有數勝國有

理制天下有分

君臣上第三十

短語四

為人君者修官上之道而不言其中

君在衆官之上但修此官上之道而

已至於官中之事則有司存非所言也

為人臣者比官中之事而不言其

外

此謂校次之也若言官外則為越職

君道不明則受令者疑權度不一

則修義者惑民有疑惑貳豫之心而上不能匡則百姓

之與間

間謂隔礙不通也人心有疑君不能正故其所與為多礙而不通也

猶揭表而令

之止也

揭舉也表謂以木為標有所告示也既使舉於表又令止之是示不一也故以況人心之疑也

是故能象其道於國家加之於百姓而足以飾官化下

者明君也

象法也謂能本道而立法

能上盡言於主下致力於民而

足以修義從令者忠臣也上惠其道下敦其業上下相

希

言相希准以為法也

若望參表則邪者可知也

參表謂立表所以參驗曲直

吏嗇夫任事

吏嗇夫謂檢束羣吏之官也若督郵之比也

人嗇夫任教

人嗇夫亦

謂檢束百姓之官

教在百姓論在不撓

謂百姓有不從教論其罪罰不撓法以行私

賞在信誠體之以君臣其誠也以守戰

既賞信罰必君臣合體莫不至

誠故入可以守城出可以野戰也

如此則人嗇夫之事究矣吏嗇夫盡

有訾程事律

訾限也程准也事律謂每事據律而行也

論法辟衡權斗斛文

劾不以私論而以事為正

辟刑也文劾言據文而舉劾謂論法刑已下皆據事以為

正不曲從其私也如此則吏嗇夫之事究矣人嗇夫成教吏嗇

夫成律之後則雖有敦慤忠信者不得善也

人嗇夫之教既成則

人皆忠信故無有獨得善者也而戲豫怠傲者不得敗也

吏嗇夫之律既成人皆懼

法不敢為非雖有豫怠不得為敗也如此則人君之事究矣是故為人君

者因其業

謂因人嗇夫之業也

乘其事

謂乘吏嗇夫之事

而稽之以度以

國之法度考此二者

有善者賞之以列爵之尊田地之厚而民不

慕也

善自應賞故不善者不敢橫慕

有過者罰之以廢亡之辱慘死之

刑而民不疾也

過自應罰故人不

敢疾怒殺生不違而民莫遺其親

者

或罰而殺之或賞而生之皆不違其理則人知此唯主德之有常不輕為去就故人不遺其親也

知此唯

上有明法而下有常事也

天有常象

懸象著明不改其貞

地有常形

山澤通氣不改其靜

人有常禮

尊君

父卑臣子其儀不易

一設而不更此謂三常兼而一之人君之道

也

人君無官兼統衆官故曰兼而一之

分而職之

各有司存

人臣之事也君失

其道無以有其國臣失其事無以有其位然則上之畜

下不妄而下之事上不虛矣上之畜下不妄則所出法

制度者明也下之事上不虛則循義從令者審也上明

下審上下同德代相序也

代更也謂上明下審更相序

君不失其威

下不曠其產而莫相德也

君以威覆下下以產供上各有所恃故不相德

是以

上之人務德而下之人守節義禮成形於上而善下通

於民則百姓上歸親於主而下盡力於農矣故曰君明

相信五官肅士廉農愚商工愿則上下體

上下各得其體也

而

外內別也民性因而三族制也

三族謂農商工也言因上下有體內外有別故

此三族各得其制也夫為人君者廕德於人者也

君者以德廕人

為人臣

者仰生於上者也

臣者仰君而生

為人上者量功而食之以足

量其功之多少制祿以食之各得足也

為人臣者受任而處之以教

受任者必

設教布政有均民足於產則國家豐矣以勞受祿則民不

幸生

有勞者必得祿人則致死以立功不徼倖而偷生也

刑罰不頗則下無怨心

名正分明則民不惑於道

刑名職分明則人於道不惑也

道也者上之

所以導民也是故道德出於君

德從君出

制令傳於相

令因相傳

事業程於官

官各以其事業程於君也

百姓之力也胥令而動者也

胥視也視令而動則所舉不妄

是故人君也者無貴如其言

君以言制下無言則下無所稟令故言最貴也人

臣也者無愛如其力

臣則宣力事君故其力最可愛也

言下力上

君言下於

臣臣力上於君也

而臣主之道畢矣是故主畫之相守之

畫謂分別

其所授事君既畫其事相則守而行之也

相畫之官守之官畫之民役之

既官

畫之人則役力以行其事

則又有符節印璽典法策籍以相揆也

符節

印璽所以示其信也典法策籍所以示之制也凡此可以考其真偽定其是非故曰以相揆也

此明公

道而滅姦偽之術也論材量能謀德而舉之

謀知其德然後舉用

之上之道也專意一心守職而不勞

不以職事為勞苦

下之事

也為人君者下及官中之事則有司不任

下及官中之事則君奪臣

職故有司不任也

為人臣者上共專於上則人主失威

臣當上供從君

之命令乃專上之權故主失威

是故有道之君正其德以莅民而不言

智能聰明智能聰明者下之職也所以用智能聰明者

上之道也

謂用下之智能聰明

上之人明其道下之人守其職上

下之分不同任而復合為一體

君為元首臣為股肱故曰一體

是故知

善人君也

知善則謀慮深遠故可以為人君也

身善人役也

身善則材能可任故為人

役君身善則不公矣

君身善則智淺故不公人也

人君不公常惠於

賞而不忍於刑

不公則不識理之正故惠賞而不忍刑也

是國無法也治國

無法則民朋黨而下比飾巧以成其私法制有常則民

不散而上合竭情以納其忠是以不言智能而順事治

國患解大臣之任也不言於聰明而善人舉姦偽誅視

聽者衆也是以為人君者坐萬物之原而官諸生之職

者也

謂授諸生之官而任之以職也生謂知學之士也

選賢論材而待之以法

舉而得其人坐而收其福不可勝收也

得人則福多故不可勝收官

不勝任奔走而奉其敗事不可勝救也

不勝任則敗廣故不可勝救

而國未嘗乏於勝任之士上之明適不足以知之以

明君審知勝任之臣者也故曰主道得賢材遂百姓治

治亂在主而已矣故曰主身者正德之本也官治者耳

目之制也

官稟君命而後行若耳目待上制而後用故曰官者耳目之制

身立而民化

德正而官治治官化民其要在上是故君子不求於民

立身正德而已

是以上及下之事謂之矯

及猶預也矯偽也上預下事則偽有餘而

實不足也

下及上之事謂之勝

下預上事則威權勝君故也

為上而矯悖

也為下而勝逆也國家有悖逆反迂之行

迂有土主民背

者失其紀也

是故別交正分之謂理

別上下之交
正君臣之分

順理而不失之謂

道道德定而民有軌矣有道之君者善明設法而不以

私防者也而無道之君既已設法則舍法而行私者也

為人上者釋法而行私則為人臣者援私以為公公道

不違則是私道不違者也

臣之所以為公者乃是私也
名曰不違公道便是不違私

道行公道而託其私焉寢久而不知姦心得無積乎

既久

行私而不知則是姦心之積也故言姦心豈復無積乎

姦心之積也其大者有侵

偏殺上之禍其小者有比周内爭之亂此其所以然者

由主德不立而國無常法也主德不立則婦人能食其

意

君意委曲隨於女謁若食之充口故曰婦人能食其意

國無常法則大臣敢侵

其勢大臣假於女之能以規主情

假因也因女之能食主意以規度主之情也

婦人嬖寵假於男之知以援外權

婦人既得君之嬖寵又因大臣之智以引

其外權則何為而不成也於是乎外夫人而危太子

女寵既隆又挾大臣之助故夫

人被外太子見危

兵亂內作以召外寇此危君之徵也

是故有道之君上有五官以牧其民則衆不敢踰軌而

行矣下有五橫以揆其官則有司不敢離法而使矣

謂橫

糾察之官得入人罪者也
五官各有其橫曰五橫

朝有定度衡儀以尊主位

正衡

衣服緼纁盡有法度

緼纁古衣冕字

則君體法而立矣

體猶依也

君

據法而出令有司奉命而行事百姓順上而成俗著久

而為常

著明而且久積習而為常也

犯俗離教者衆共姦之

衆以離教為姦

而罪之也

則為上者佚矣天子出令於天下諸侯受令於天

子大夫受令於君子受令於父母下聽其上弟聽其兄

此至順矣衡石一稱斗斛一量丈尺一縟制

所謂同律度量衡也

縛古淮字淮節律度量也謂丈尺各有淮限也

戈兵一度書同名車同軌此至

正也從順獨逆從正獨辟此猶夜有求而得火也

衆皆從順

而有獨逆者衆皆從正而有獨僻者必為順正者所伏也姦偽之人無所伏矣此先

王之所以一民心也是故天子有善讓德於天諸侯有

善慶之於天子

諸侯有善讓於天子而慶也

大夫有善納之於君民

有善本於父慶之於長老此道法之所從來是治本也

道法以讓為主是故歲一言者君也

謂正歲之朝布之縣象

時省者相也

月稽者官也務四支之力修耕農之業以待令者庶人

也是故百姓量其力於父兄之間聽其言於君臣之義

而官論其德能而待之

謂百吏之官各論其德能以待君命

大夫比官中

之事不言其外而相為常具以給之

具論衆官之法制也

相總要

者

相無常官所以總統百吏之要

官謀士量實義美匡請所疑

士事也官各謀

其職事也又當量實宜其有美善者用匡於所疑必陳而請之也

而君發其明府之法

瑞以稽之

府謂百吏所居之官曹也立府必有明法故曰明府之法瑞君所與臣為信者珪璧之屬

也又必合其瑞以考之也立三階之上南面而受要

君之路寢前有

也之目是以上有餘日

上唯受要故有餘日

而官勝其任

各理其職故能勝任

時令不淫而百姓肅給

言其敬而供上

唯此上有法制下有分

職也

道者誠人之姓也非在人也

姓生也言道立人之生而人之所從出故非在人而

聖王明君善知而道之者也

道猶言也聖王善知道理故言而相告也

是故

治民有常道而生財有常法道也者萬物之要也為人

君者執要而待之則下雖有姦偽之心不敢殺也

不敢殺君

夫道者虛設

道無形而善應故曰虛設

其人在則通其人亡則塞者

也非茲是無以理人非茲是無以生財

前茲是謂其道

民治財

育其福歸於上是以知明君之重道法而輕其國也

得道

之真以理身緒餘以理國家故重道而輕國

故君一國者其道君之也

謂道可

故君一國王天下者其道王之也

道可王故王天下

大王天下小君

一國其道臨之也

其道足以臨國與天下也

是以其所欲者能得諸

民

君之所欲人則順之令得

其所惡者能除諸民

君之所惡亦順之而除

所欲

者能得諸民故賢材遂所惡者能除諸民故姦偽省如

治之於金陶之於埴制在工也

廢置之由君若金埴之由工也

是故將與之惠厚不能供

謂欲與人雖有惠厚之意財不能供

將殺之嚴

威不能振

謂欲殺人以致其理然而嚴威銷縮不能振起也

嚴威不能振惠厚

不能供聲實有閒也

或有聲無實或有實無聲聲實閒礙故不供不振也

有善者

不留其賞故民不私其利

善必得賞私利何為

有過者不宿其罰

故民不疾其威

宿猶停也罰得其過則人不疾其威疾怨也

威罰之制無踰

於民

因人所欲罰而罰之故不踰於人也

則人歸親於上矣如天雨然澤

下尺生上尺

澤從工降潤有一尺則苗從下生工引一尺澤下降苗上引猶君恩下流人心上就

也是以官人不官事人不事獨立而無稽者人主之位

也

君者與人之官而不自官授人之事而不自事獨立於無過之地臣下莫得而稽之如此者人主之位也

先王之在天下也民比之神明之德先王善牧之於民

者也夫民別而聽之則愚

別而聽之則各信其一方暗莫之發故愚

合而聽

之則聖

合而聽之則得失相輔可否相濟芻蕘之言賢聖不能易故聖也

雖有湯武之

德復合於市人之言是以明君順人心安情性而發於

衆心之所聚

聚謂同所歸湊

是以令出而不稽

稽留也

刑設而不

用

人不犯法故無所用刑

先王善與民為一體

以百姓心為心故曰一體

與民

為一體則是以國守國以民守民也

一國同一意萬人同一心

然則

民不便為非矣

為非則失利故不便

雖有明君百步之外聽而不

聞

耳聽有
所極

間之堵牆窺而不見也

目視有
所窮

而名為明君

者君善用其臣臣善納其忠也

君能善用臣能善納則
何聽而不聞何視而不

見耳目不壅
非明而何也

信以繼信善以傳善

君信而臣繼之
君善而臣傳之

是以

四海之內可得而治是以明君之舉其下也盡知其短

長知其所不能益若任之以事

夫任人以事者必擇其
可否君之舉臣亦猶是

也賢人之臣其主也盡知短長與身力之所不至

謂知
君之

短長及其身
力所不至也

若量能而授官

夫授人官者亦擇其可
否臣之擇事亦猶是也

上

以此畜下

擇其可畜
而畜之

下以此事上

擇其可事
而事之

上下交期

於正

君有賢臣臣有令主

則百姓男女皆與治焉

君臣正則

百姓無自為淫僻也

管子卷十

謹案卷八第七頁後七行世法文武之遠迹以成
其名合羣國比校民之有道者按國語迹作績
國作寔

第八頁後四行五家為軌軌有長刊本軌訛軌據
國語改

第八頁後五行五鄉一帥刊本五訛三據後文及
國語改

第十頁後八行服牛輅馬據國語輅當作輅

第十六頁前七行屬退而修連連退而修鄉按國語連並作縣

第十七頁後一行又游士八千人據國語八千當作八十


第十八頁前七行渠彌於有隋刊本彌訛彌據上文改

第二十頁前六行握粟而筮者屢中刊本筮訛筮今改

第二十二頁前一行通齊國之魚鹽東萊據國語
東萊上脫於字

第二十二頁前五行所以示勸於國中也按國語
勸作權

[illegible]



總校官庶吉士臣侍朝

校對官檢討臣王鍾健

謄錄監生臣王心仁